



Infurmaziuns dalla suprastanza communal da digl cumegn Albula/Alvra:

Matg / zarcladour 2019

- La suprastanza ò approvo diversas dumondas da biagier.
- La suprastanza communal ò elaboro ansemen cun la gruppa da project ed accum-pognamaint igl plan directiv territorial digl cumegn. Chegl è la basa per la revisiun totala dalla planisaziun locala digl cumegn Albula/Alvra. Durant igls meis da fanadour e d'avost 2019 ò li l'exposiziun da cooperaziun publica per igl plan directiv communal e territorial digl cumegn Albula/Alvra (www.albula-alvra.ch/ Actual / Planisaziun locala Albula/Alvra).
- La suprastanza ò approvo en credit da CHF 63'400.00 per la sanaziun dalla veia da transport "Crest" a Vasarouls. Chellas lavours èn neidas surdadas a l'interpresa da construcziun Ardüser SA, Alvagni vischnanca.
- La suprastanza communal ò approvo igl chint annual 2018 dall'Uniun d'interess serenera Casti e piglia per cunaschientscha digl rapport annual 2018.
- La suprastanza communal ò concedia en credit da CHF 390'000.00 per la sanaziun dalla "Voia Pro la Fiera" ad Alvagni vischnanca. Chel project vign preschento a caschung dalla radunanza communal igls 19 da fanadour 2019 a Surava. Lò vign er fatg la dumonda digl credit basiglevel.
- La suprastanza communal ò concedia en credit brut da CHF 300'000.00 per la sanaziun dalla "Veia Purgiera" a Stierva. A caschung dalla proxima radunanza communal vign igl project preschento e fatg la dumonda per igl credit brut.
- La lescha da votaziun e d'elecziun digl cumegn Albula/Alvra è neida deliberada dalla suprastanza communal per mangs dalla radunanza communal. La revisiun parziala prevei cunzont dad exponer anstagl da set urnas angal ple en'urna ainten la tgesa communal da Casti. Ultra da chegl duess la radunanza communal (per regla) aveir li a Casti.
- Per la projectaziun e l'equipaziun dalla zona d'industria Pardis/Eisla, Alvaschagn, ò la suprastanza communal approvo en credit da CHF 14'500.00. Las lavours èn neidas surdadas all'interpresa Grünenfelder und Partner SA, Domat.
- La suprastanza communal è neida infurmada detagledamaintg digl preproject «Surveglianza e preavertimaint 2019 anfignen 2024, bova da Brinzouls». An chel connex ò la suprastanza communal concedia en credit brut da CHF 910'000.00. Chel project vign preschento alla proxima radunanza communal ed i vign er fatg la dumonda per igl credit brut.
- La suprastanza communal ò approvo e relaschea l'invitaziun (la glista da tractandas) ed igl messadi per la radunanza communal digls 19 da fanadour 2019.

- La suprastanza communalà è approvo en credit da CHF 24'000.00 per la drenascha dalla veia da migliuraziun aint igl territori « Vallar », antrada dalla veia cantunala, Brienz/Brinzauls. Las lavours èn neidas surdadas a l'interpresa da construcziun Ardüser SA, Alvagni vischnanca.
- La suprastanza communalà è piglia per cunaschientscha e valido l'iniziativa digl pievel «Midada digl lungatg da scola populara da rumantsch grischun an rumantsch surmiran sen l'antschatta digl onn da scola 2020/2021».
- La suprastanza communalà è examinò ed approvo igl sboz dalla strategeia da svilup «Regiun Alvra».

Infurmaziuns dalla radunanza communalà digls 1. da matg 2019

- Uniun d'interess implant da sagettar regional Alvra (ZRSA)
Igl votants on acceptò igl contract nov pertutgont ena fundaziun dad ena cooperaziun digl dretg public da vischnancas sainza persunga giuridica agl senn digl art. 52 paragraf 1 dalla lescha da cumegn digl cantun Grischun.
- Per igl mantignamaint dalla veia da gôt «Schlasung» a Stierva on igls votants approvo en credit brut da CHF 450'000.00. Agl cumegn Albula/Alvra restan costs da CHF 144'000.00, siva d'aveir risguardo las contribuziuns.
- La radunanza communalà è acceptò tgi la concessiun da deducziun dalla Repower SA vigna transfereida alla Repartner Produktions SA.
- Igl provedimaint d'ava dad Alvaschagn reteira l'ava da beber digl provedimaint d'ava da /Lantsch/Lenz. Tot las installaziuns a parteir digl tumbigl da surdada anfignen tar la reit da distribuziun èn viglias, onn da construcziun 1967, la caverna perfign 1893. Chellas installaziuns correspondan betg allas preteisas d'en provedimaint d'ava da beber dad ozande. Per la sanaziun digl provedimaint d'ava dad Alvaschagn on igls votants approvo en credit brut an import da CHF 2'640'000.00. Ins po chintar cun contribuziuns da CHF 900'000.00, chegl digl Uffezi federal d'agricultura, digl Uffezi per la nateira ed igl ambiant digl Grischun e dall'Assicuranza da bietgs digl Grischun.
- Las votantas ed igls votants on piglia per cunaschientscha digls chints finals «Alvaschagn – colliaziun per avas persas alla serenera Casti» e «Surava – sanaziun provedimaint d'ava». Igl surpassamaint digls costs è nia motivo ed acceptò.